

羅南縣志

地 128.171
34
部三 : 1-4

雒南縣志序



一邑之規模天下規
模所肇也故邑志一
書有心世道者恒加
之意蓋地雖百里

國家之制度典禮綱目
鉅細粗具焉又其間
風土之淳駁貞淫民
生之休戚哀樂暨官
斯土者之謀張教禁

至熾至恣舉斯加彼
道亦約略同也措之
者正則施之者行禮
樂刑政四達而不悖
由一色而遞衍遞承

推之天下不難也願
必其有目營四海之
識胸羅百代之才而
又能得三代之直道
善善惡惡是是非非

契乎天理民彝之則
而後躬膺筆削其書
可彰往而詔來不徒
屬於地志山經僅供
沙獵獺祭游談博辯

之助者等尺菴先生
觀察身之廣南韶按
部延應必搜所在邑
乘傳記元元本本稽
其吏治民生人心風

俗之得失而求所為
因地制宜更化善治
之源家本雒南雒故
巖色也先生政事餘
暇念故里邑志久未

脩輯留心編纂考訂
成書其文簡而核質
而文於典禮政俗職
官人物忠孝節廉之
大論斷是非抑揚反

覆一篇之中蓋三致
意焉書既成恭得而
讀之歎先生之心隨
時隨事必繫於

國必屬於民絕不矜言

著作而獨有論述亦
必本諸道不為繆悠
無益之言則讀是書
者無徒謂留心桑梓
也蓋積者多則施者

遐辟諸水其為川者
之高之流而不為澤
者之卑之止乎即謂
先生之所以治粵與
異日治平天下之大


略具見於是亦無不
可

乾隆十一年歲次丙

寅中秋日

賜進士及第內閣學士兼

禮部侍郎番馬莊有
恭頌首拜撰



叙

人未身歷此方之境欲
先識此方之山川面勢
物生地俗非志無由即
應此方之境欲一一詳

核其山川面勢物生地
俗舍志亦無由也故土
訓誦訓愛職周禮巡狩
則矣身從王雖屬王官
之職而非其鄉人莫能

詳非正直而能文事者
不足以紀其實而權衡
於其義雒南侍御薛君
官廣韶病其邑志之踈
畧移書於其邑令范君

請其舊志與田賦戶口
之數而纂訂之分為卷
十二條目井然詳不蕪
而簡不漏閱之心朗目
滌不身塵焉而其山川

面勢物生地俗已較若
指諸掌至其考核星野
之精訂正史家之謬與
關中之區會天下之政
要俱一攬而備焉其棄

取之嚴議論之正史家
有所不如不私為一家
之書而通為一邑之乘
又以見其記載之公是
非之正質幽明而無愧

者矣夫雒南當秦楚之
交天下有事乎關中常
以此為間道走奇兵以
應殽函峽武諸關地險
而居衝承平僅能補其

殘破故其民身苦志堅
多仗節死義之士而蘊
志多遺土出礦冶則利
害相乘民亦因以不靖
在守土者調治焉其山


絡發自冢嶺逶迤梁原
而出為燕子之山翼狀
護乎城郭洛水縈之古
所稱陽虛之山在其境
而洛書之所出也今志

是也一人一事必信而
有徵不求美觀而斷以
理義然後錄焉雖志一
邑而不苟如此即天下
可知矣夫天下者一邑

之積也閩是志者豈僅
得其山川面勢物生地
俗之所然哉其於理義
之權衡亦昭燦焉矣

乾隆十年十一月中浣

信豐黃世成序



雒南縣志序

考天下形勢秦關四塞
實撫諸夏之背高踞西
北而俯東南得建瓴之
勢故周以龍興秦以虎

雒南縣志

序

一

視越漢迄唐據之則強
去之積弱是誠平治所
必防擾攘所必爭之地
也而左函右武間道必
出雒南易曰王公設險

以守其國此尤其扼要者與夫輿圖地理代有成書郡志邑乘類多修輯雖山陬海澨猶必紀其山川人物况洛水開

禹王之範墨潭肇倉頡之書而地形故勝志之所係尤急我前輩侍御薛君出觀察嶺南公餘之暇憚其邑志疎略詳

加考核補其殘缺正其
紕謬其於防守政要尤
具備焉斯豈特為一邑
圖籍計哉實為全秦保
障計為天下綏靖計也

是為序

昔

乾隆十一年丙寅中秋

凌江胡定撰并書

